

Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կենտրոնական բանկի կողմից հուշադրամի էսքիզների ընտրության նպատակով անցկացվող հրապարակային մրցույթի կազմակերպման մասին

Հայաստանի Հանրապետության կենտրոնական բանկը (այսուհետև՝ ՀՀ ԿԲ) հայտարարում է հրապարակային մրցույթ «Անկախ Պետությունների Համագործակցության 30-ամյակ» հուշադրամի էսքիզների ընտրության համար:

Մրցույթին կարող են մասնակցել բոլոր ցանկացողները:

Մրցութային առաջարկությունները անհրաժեշտ է ներկայացնել ՀՀ ԿԲ՝ ք. Երևան 0010, Վազգեն Սարգսյանի 6 հասցեով:

Մրցութային հայտերի ընդունման վերջնաժամկետն է 2020 թ. սեպտեմբերի 10-ը, ժամը 16-00:

Մրցույթի հայտերի բացման օրն ու ժամն է 2020 թ. սեպտեմբերի 15-ը, ժամը 16-00:

Մրցույթի արդյունքների ամփոփման օրն ու ժամն է 2020 թ. սեպտեմբերի 24-ը, ժամը 16-00:

Մրցույթին մասնակցելու հրավերը, ինչպես նաև մրցութային հայտերի ներկայացման, էսքիզների գնահատման և ընտրության ընթացակարգերը հրապարակված է ՀՀ ԿԲ ինտերնետային WEB կայքում (www.cba.am) և ՀՀ ԿԲ ֆեյսբուքյան էջում:

Մրցույթին մասնակցելու հրավերը, ինչպես նաև լրացուցիչ տեղեկություններ ստանալու համար ցանկացողները կարող են դիմել ՀՀ ԿԲ՝ Ներքին ծառայությունների վարչություն, հեռ.՝ (010) 59-28-02, (010) 59-28-05, ներքին՝ 18-02, 18-05, էլ. փոստ՝ galust.galstyan@cba.am, ինչպես նաև հեռ.՝ (010) 59-29-05, (010) 59-26-24, էլ. փոստ՝ robert.kocharyan@cba.am, nune.teryan@cba.am:

ՀՀ ԿԲ հասարակայնության հետ կապերի ծառայություն

Հայաստանի Հանրապետության կենտրոնական բանկի կողմից հուշադրամի էքսիզների ընտրության նպատակով անցկացվող հրապարակային մրցույթի ծանուցում

1. ՄՐՑՈՒՅԹԻ ԱՆՑԿԱՑՄԱՆ ՆՊԱՏԱԿԸ ԵՎ ԱՌԱՐԿԱՆ

- 1.1. Սույն հրապարակային ծանուցմամբ կարգավորվում է Հայաստանի Հանրապետության կենտրոնական բանկի կողմից հուշադրամի էքսիզների ընտրության նպատակով անցկացվող հրապարակային մրցույթի (այսուհետև՝ Մրցույթ) հետ կապված հարաբերությունները:
- 1.2. Մրցույթը հայտարարվում է «**ԱՊՀ 30-ամյակ**» (թեմա՝ Հայաստանը և միջազգային հանրությունը) հուշադրամի էքսիզների ընտրության համար:
- 1.3. Մրցույթի կազմակերպիչ է հանդիսանում Հայաստանի Հանրապետության կենտրոնական բանկը (այսուհետև՝ Կազմակերպիչ):

2. ՄՐՑՈՒՅԹԻ ՀԱՅՏԵՐԻ ՊԱՏՐԱՍՏՄԱՆ ԿԱՐԳԸ

2.1 Մրցույթին մասնակցելու համար մասնակիցները (այսուհետև՝ Մասնակից) Կազմակերպչին ներկայացնում են Մրցույթի հայտ: Մրցույթի հայտը սույն ծանուցման հիման վրա Մասնակցի կողմից ներկայացվող առաջարկն է:

2.2 Մասնակիցը ներկայացնում է Մրցույթի հայտը 1.2 կետում նշված հուշադրամի երկու երեսի (դիմերեսի և դարձերեսի) էքսիզների տեսքով՝ **A4 չափսի թղթի վրա** երկու տարբերակներով՝ հուշադրամի տրամագծի չափով (սահմանված է սույն ծանուցման 2.4 կետով) և 100,0 մմ չափով, և **էլեկտրոնային եղանակով** (համակարգչով կատարված և ծայնագրված սկավառակի վրա **jpg և pdf ֆորմատներով**):

Յուրաքանչյուր Մասնակից ստեղծում է **մեկ ծածկանուն**՝ տառերի կամ թվերի որևէ կապակցություն, որը առանց որևէ փոփոխության նշվում է տվյալ Մասնակցի կողմից ներկայացված բոլոր՝ թղթային և էլեկտրոնային եղանակով ներկայացված էքսիզների վրա: Մասնակիցը պետք է նաև ներկայացնի հակիրճ բացատրություն իր կողմից պատրաստված էքսիզների և դրանց պատրաստման համար օգտագործված նյութերի, օրինակ՝ էքսիզներում օգտագործվող ճարտարապետական կառույցների, անվանի անհատներին նվիրված նկարների կամ արձանների հեղինակների (քանդակագործներ/ճարտարապետներ), ինչպես նաև գրավոր ստեղծագործությունների հատվածների օգտագործման աղբյուրների (հղումներ թանգարաններին կամ գրականությանը, էլեկտրոնային կայքերի հասցեներին) վերաբերյալ:

Մասնակցի կողմից հուշադրամի համար ներկայացվող էքսիզների տարբերակները չպետք է գերազանցեն 3 տարբերակ յուրաքանչյուր կողմի համար:

Մասնակցի անուն/ազգանունը չպետք է նշված լինի էքսիզների ոչ թղթային, ոչ էլ էլեկտրոնային տարբերակների վրա: Մասնակցի անունը, ազգանունը և հեռախոսի համարը գրվում են առանձին թղթի վրա, որը տեղադրվում առանձին փոքրիկ ծրարում: Այդ փոքրիկ ծրարը փակվում է և վրան նշվում է միայն Մասնակցի ծածկանունը:

Թղթային էքսիզները, սկավառակը և Մասնակցի տվյալներով փոքրիկ փակ ծրարը տեղադրվում են մեկ ընդհանուր ծրարի մեջ և փակ տեսքով ներկայացվում Կազմակերպչին¹:

¹ Խնդրում ենք Մասնակիցներին նախկինում օգտագործված ծածկանունները չկրկնել:

Ընդհանուր ծրարի վրա պետք է առկա լինեն հետևյալ գրառումները.

- Մասնակցի ծածկանունը,
- Կազմակերպչի հասցեն (Երևան, Վ. Սարգսյանի 6, ՀՀ կենտրոնական բանկ),
- «Հուշադրամի էսքիզների մրցույթ – 2021»,
- «Մրցույթների անցկացման հանձնաժողովին»,
- «ԶԲԱՅԵԼ ՄԻՆԶԵՎ ՄՐՑՈՒՅԹԻ ՀԱՅՏԵՐԻ ԲԱՑՄԱՆ ՆԻՍԸ» բառերը:

2.3 Մասնակիցը չի կարող նույն Մրցույթին ներկայացնել մեկից ավելի հայտ (մեկ հայտը՝ ծրարը, կարող է պարունակել մեկից ավելի էսքիզներ), բացառությամբ սույն ծանուցման 3.5 հոդվածով կամ 5-րդ գլխով նախատեսված՝ հայտի փոփոխում ներկայացնելու դեպքի:

2.4 Հուշադրամի էսքիզները պետք է ներառեն.

Դիմերեսի պարտադիր տարրեր.

- «Հայաստանի Հանրապետություն» գրառումը հայերեն լեզվով (այս և այլ գրառումները կարող են լինել նաև ռուսերեն լեզվով),
- ՀՀ զինանշանը,
- «1000 դրամ» (անվանական արժեքը),
- «2021» (թողարկման տարեթիվը):

Դարձերեսի պարտադիր տարրեր չկան:

Հուշադրամի ձևը կլոր է, տրամագիծը՝ 38,61 մմ:

Էսքիզները կարող են ունենալ գունային լուծումներ:

2.5 Մրցութային ընտրությունը կատարելու ժամանակ հնարավոր է, որ լավագույն ճանաչված էսքիզները (հուշադրամի դիմերեսի կամ դարձերեսի համար) կատարված լինեն տարբեր հեղինակների կողմից: Լավագույն ճանաչված յուրաքանչյուր կողմի (դիմերես կամ դարձերես) էսքիզի համար սահմանվում է մրցանակային գումար 150.000 (մեկ հարյուր հիսուն հազար) ՀՀ դրամ՝ ներառյալ հարկերը:

2.6 Սույն ծանուցման 2-րդ բաժնի պահանջների խախտմամբ Կազմակերպչին ներկայացված մրցութային հայտերը Կազմակերպչի կողմից չեն դիտարկվելու:

3. ՄՐՑՈՒՅԹԻ ՀԱՅՏԵՐԻ ՆԵՐԿԱՅԱՑՄԱՆ ՊԱՅՄԱՆՆԵՐԸ

3.1 Մրցույթի հայտերն անհրաժեշտ է ներկայացնել Կազմակերպչին առձեռն կամ փոստային ծառայության միջոցով՝ պատվիրված նամակով: Ներկայացված Մրցույթի հայտերն ընդունում է Կազմակերպչի Գլխավոր քարտուղարության Փաստաթղթերի շրջանառության բաժինը:

3.2 Մասնակցի պահանջով Մասնակցին տրամադրվում է Կազմակերպչի Գլխավոր քարտուղարության Փաստաթղթերի շրջանառության բաժնի կողմից ստորագրված և կնքված համապատասխան տեղեկանք՝ Մրցույթի հայտն ընդունելու մասին, որում նշվում է Մասնակցի ծածկանունը, հայտի ընդունման տարին, ամիսը, ամսաթիվը, ժամը, հայտը ընդունող աշխատակցի անունը, ազգանունը և պաշտոնը: Մրցութային հայտը պատվիրված նամակով ուղարկելու դեպքում Կազմակերպչի Գլխավոր քարտուղարության Փաստաթղթերի

շրջանառության բաժնի կողմից ստորագրված և կնքված համապատասխան տեղեկանքը Մասնակցին ուղարկվում է նամակով կամ ֆաքսով:

3.3 Մրցույթի Կազմակերպիչը պատասխանատվություն չի կրում փոստով ուղարկված մրցույթի հայտերի՝ վերջնական ժամկետից ուշ կամ բացված տեսքով կամ այլ կերպ վնասված ստանալու համար:

3.4 Մրցույթին վերաբերող բոլոր փաստաթղթերը կազմվում են հայերեն, անգլերեն կամ ռուսերեն լեզուներով:

3.5 Մրցույթի Մասնակիցները մինչև Մրցույթի հայտերը ներկայացնելու վերջնական ժամկետի ավարտը կարող են փոփոխել կամ հետ վերցնել հայտերը (հրաժարվել Մրցույթին մասնակցելուց): Մրցույթի հայտի փոփոխությունը կատարվում է սույն հրավերով Մրցույթի հայտ ներկայացնելու համար նախատեսված կարգով՝ համապատասխան ծրարի վրա ավելացնելով «փոփոխում» բառը: Մրցույթին մասնակցելուց հրաժարվելու դեպքում այդ մասին ծանուցումը կարող է ուղարկվել նամակով կամ ֆաքսով:

4. ՄՐՑՈՒՅԹԻ ՀԱՅՏԵՐԻ ԲԱՅՄԱՆ ԵՎ ԱՐԴՅՈՒՆՔՆԵՐԻ ԱՄՓՈՓՄԱՆ ՕՐԸ, ՎԱՅՐԸ ԵՎ ԺԱՄԸ

4.1 Մրցույթի հայտերի ներկայացման վերջնաժամկետն է 2020 թ. սեպտեմբերի 10-ը, ժամը 16-00:

4.2 Մրցույթի հայտերի բացումը կատարվելու է ՀՀ կենտրոնական բանկում՝ ք. Երևան, Վ. Սարգսյան 6 հասցեով, մրցույթների անցկացման հանձնաժողովի նիստում՝ 2020 թ. սեպտեմբերի 15-ին, ժամը 16-00:

4.3 Մրցույթի արդյունքների ամփոփումը կատարվելու է ՀՀ կենտրոնական բանկում՝ ք. Երևան, Վ. Սարգսյան 6 հասցեով, մրցույթների անցկացման հանձնաժողովի նիստում՝ 2020 թ. սեպտեմբերի 24-ին, ժամը 16-00:

4.4 Մրցույթների անցկացման հանձնաժողովը՝ Մրցույթի հայտերի բացման օրը Մասնակիցների կողմից ներկայացրած հայտերի ուսումնասիրությունից հետո, կարող է փոփոխել հրավերով նախատեսված Մրցույթի հայտերի ամփոփման օրը և ժամը՝ դրա մասին տեղեկատվությունը տեղադրելով ՀՀ կենտրոնական բանկի ինտերնետ կայքում (www.cba.am) և ՀՀ կենտրոնական բանկի ֆեյսբուքյան էջում:

5. ՀՐԱՊԱՐԱԿԱՅԻՆ ԾԱՆՈՒՑՄԱՄԲ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ

5.1 Մրցույթի պայմաններում, ինչպես նաև Մրցույթի հայտերը բացելու օրվա և ժամի վերաբերյալ փոփոխություններ կատարելու անհրաժեշտության դեպքում Կազմակերպիչը կատարում է համապատասխան փոփոխություններ և (կամ) լրացումներ հրապարակային ծանուցման մեջ (այսուհետև՝ հրապարակային ծանուցման փոփոխություն) և այն տեղադրում է ՀՀ կենտրոնական բանկի ինտերնետային կայքում (www.cba.am) և ՀՀ կենտրոնական բանկի ֆեյսբուքյան էջում:

5.2 Հրապարակային ծանուցման փոփոխությունները կարող են կատարվել մինչև Մրցույթի հաղթողին որոշելու օրը: Հրապարակային ծանուցման մեջ փոփոխություններ կատարելու

դեպքում Մասնակիցները իրավունք ունեն 10-օրյա ժամկետում և սույն ծանուցմամբ սահմանված կարգով Մրցույթի հայտերում կատարել լրացուցիչ փոփոխություններ: Կազմակերպիչը հրապարակային ծանուցման փոփոխության դեպքում չի կրում Մասնակիցների կողմից կրած վնասների ռիսկը:

5.3 Հրապարակային ծանուցման փոփոխությամբ թույլատրվում է կատարել ցանկացած լրացում, եթե դրանով չեն փոփոխվում Մրցույթի պայմանների մասին հրապարակային ծանուցման մեջ նշված էական պայմանները:

6. ՀԱՅՏԵՐԻ ԲԱՑՈՒՄԸ, ԳՆԱՀԱՏՄԱՆ և ՄՐՑՈՒՅԹԻ ՀԱՂԹՈՂԻ ԸՆՏՐՈՒԹՅԱՆ ԿԱՐԳԸ

Հայտերի գնահատումը իրականացնում է Կազմակերպչի մրցույթների անցկացման հանձնաժողովը: Հայտերի բացումը, գնահատումը և Մրցույթի հաղթողի ընտրության կարգը սահմանվում է ՀՀ կենտրոնական բանկի նախագահի 29.04.2004թ. թիվ 1/180Լ որոշմամբ հաստատված «ՀՀ կենտրոնական բանկի կողմից իրականացվող հրապարակային մրցույթների կազմակերպման մասին» կանոնակարգի դրույթներին համապատասխան: Սույն կանոնակարգով սահմանված պահանջներին՝ ծրարներին, մրցույթի հայտերի ներկայացման ժամկետներին, մրցույթի հայտերով ներկայացման ենթակա տեղեկություններին, փաստաթղթերին, այլ ներկայացվող պահանջներին չհամապատասխանող հայտերը մրցույթների անցկացման հանձնաժողովի կողմից մերժվում են և վերադարձվում ներկայացնողին:

7. ՄՐՑՈՒՅԹԻ ՓԱՍՏԱԹՂԹԵՐԻ ՎԵՐԱԲԵՐՅԱԼ ՊԱՐԶԱԲԱՆՈՒՄՆԵՐ ՍՏԱՆԱԼՈՒ ԿԱՐԳԸ

7.1 Մասնակիցն իրավունք ունի Կազմակերպչից պահանջել Մրցույթի ծանուցման պարզաբանում: Սույն ծանուցման վերաբերյալ պարզաբանումներ ստանալու համար Մասնակիցը կարող է դիմել Կազմակերպչին: Այդպիսի պարզաբանումների պահանջները կարող են ներկայացվել ոչ ուշ, քան Մրցույթի հայտերի ընդունման վերջնաժամկետը լրանալուց առնվազն 5 (հինգ) աշխատանքային օր առաջ:

7.2 Կազմակերպիչը պարզաբանումը տրամադրում է հարցումը ստանալու օրվանից 3 (երեք) աշխատանքային օրվա ընթացքում: Պարզաբանում չի տրամադրվում, եթե հարցումը կատարվել է սույն հրավերի 7.1 կետով սահմանված ժամկետի խախտմամբ, ինչպես նաև, եթե հարցումը դուրս է Մրցույթի հրավերի բովանդակության շրջանակից:

8. ՊԱՅՄԱՆԱԳՐԻ ԿՆՔՈՒՄԸ

8.1 Մրցույթների անցկացման հանձնաժողովի որոշման հիման վրա Կազմակերպիչը ընտրված Մասնակցի հետ կնքում է գնման պայմանագիր: Պայմանագիրը կնքվում է գրավոր՝ մեկ փաստաթուղթ կազմելու միջոցով:

8.2 Ընտրված Մասնակիցը հայտարարվելուց հետո 10 (տասը) աշխատանքային օրվա ընթացքում Կազմակերպիչը ծանուցում է ընտրված Մասնակցին դրա մասին և ներկայացնում նրան գնման պայմանագիր կնքելու առաջարկը և գնման պայմանագրի նախագիծը:

8.3 Եթե ընտրված Մասնակիցը պայմանագիր կնքելու մասին ծանուցումը և գնման պայմանագրի նախագիծը ստանալուց հետո 10 (տասը) աշխատանքային օրվա ընթացքում չի ստորագրում գնման պայմանագիրը, ապա նա զրկվում է գնման պայմանագիրը ստորագրելու իրավունքից:

8.4 Մինչև սույն հրավերի 8.3 կետով նախատեսված ժամկետի ավարտը, կողմերի համաձայնությամբ, կարող են պայմանագրի նախագծում կատարվել փոփոխություններ, սակայն դրանք չեն կարող հանգեցնել գնման առարկայի բնութագրերի փոփոխմանը:

9. ՄՐԾՈՒՅԹԸ ՉԿԱՅԱՑԱԾ ՀԱՅՏԱՐԱՐԵԼԸ

9.1 Մրցույթների անցկացման հանձնաժողովը Մրցույթը չկայացած է հայտարարում, եթե՝

- ա) հայտերից ոչ մեկը չի համապատասխանում ծանուցման պայմաններին,
- բ) դադարում է գոյություն ունենալ գնման պահանջը,
- գ) ոչ մի հայտ չի ներկայացվել,
- դ) մրցույթի արդյունքում գնման պայմանագիր չի կնքվել:

9.2 Մրցույթը չկայացած հայտարարվելուց հետո ՀՀ կենտրոնական բանկի ինտերնետ կայքում հրապարակվում է հայտարարություն, որտեղ նշվում է Մրցույթը չկայացած հայտարարվելու հիմնավորումը:

9.3 Կազմակերպիչը մինչև Մրցույթի հաղթողին որոշելու օրը (Մրցույթի հայտերի ամփոփման օրը) իրավունք ունի հրաժարվել Մրցույթ անցկացնելուց: Այս դեպքում Կազմակերպիչը չի կրում Մասնակիցների կողմից կրած վնասների ռիսկը:

10. ԳՆՄԱՆ ԳՈՐԾՆԹԱՑԻ ՀԵՏ ԿԱՊՎԱԾ ԳՈՐԾՈՂՈՒԹՅՈՒՆՆԵՐԸ ԵՎ/ԿԱՄ ԸՆԴՈՒՆՎԱԾ ՈՐՈՇՈՒՄՆԵՐԸ ԲՈՂՈՔԱՐԿԵԼՈՒ ՄԱՍՆԱԿՑԻ ԻՐԱՎՈՒՆՔԸ ԵՎ ԿԱՐԳԸ

10.1 Յուրաքանչյուր անձ ունի բողոքարկման իրավունք, եթե հայտարարում է, որ Կազմակերպչի մրցույթների անցկացման հանձնաժողովի գործողությունների հետևանքով կրել է կամ կարող է կրել վնասներ:

10.2 Յուրաքանչյուր անձ իրավունք ունի՝

- ա) բողոքարկել Կազմակերպչի մրցույթների անցկացման հանձնաժողովի գործողությունները ՀՀ կենտրոնական բանկի խորհրդին,
- բ) դատական կարգով բողոքարկել Կազմակերպչի մրցույթների անցկացման հանձնաժողովի գործողությունները: